

SARS e tla amohela dihlooho tsa BRICS tsa Bolaodi ba Meedi

PRETORIA, 11 Mmesa 2018 - Ditshebeletso tsa Lekgetho tsa Afrika Borwa (SARS) di tla tshwara Kopano e mabapi le Tshebedisano tsa Bolaodi ba Meedi, moifo ona o emela dihlooho tsa bolaodi ba meedi ho tswa dinaheng tsa BRICS: Brazil, Russia, India, China le Afrika Borwa ka sepheo sa ntlafatsa dikamano le tshebedisano mmoho le ho phahamisa ntshetsopele hara dinaha tseo e leng ditho tsa BRICS.

Dihlooho tsa tsamaiso tsa bolaodi ba meedi ho tswa dinaheng tseo e leng ditho tsa BRICS di tla kopana Durban ho tloha ka la 18 ho isa ka la 19 Mmesa 2018, kopano ena e tla etellwa pele ke ya ditsebi tsa bolaodi ba meedi hona sebakeng seo ho tloha ka la 16 ho isa ka la 17 Mmesa 2018. SARS e tla boela e amohela ditsebi tsa lekgetho le dihlooho tsa taolo ya lekgetho ka Phuptjane 2018. Dikopano tsena ke karolo ya dikopano tse batsi tsa mmuso tse lebisang Sebokeng sa 10 sa BRICS seo Afrika Borwa e leng moamohedi wa sona le ho ba modulasetulo wa BRICS ka Phato 2018.

Mmuso wa Afrika Borwa o itlamme ho sebedisa tema ya ona ya ho ba modulasetulo wa BRICS ka 2018 ho tla ka moralo o mawala oo sepheo sa ona e leng ho ntlafatsa tshebedisano dilemong tse leshome tse tlang.

Mmuso o boetse o itlamme ho sala morao lenanetsamaiso le neng le behwe Xiamen, China ka 2017, ha China e ne e le modulasetulo ho netefatsa hore ho ba le tshebetso e hlokang tshitiso le tswelopele.

Mona e tla be e le lekgetlo la bobedi moo Afrika Borwa e tla beng e tshwara Seboka sa BRICS, ka mora hore e tshware Seboka sena ka Tihakubele 2013.

Botho ba Afrika Borwa ba BRICS ke hwa bohlokwa ho fihlella tse tlang pele tse mabapi le leano la matjhabeng, ho kenyeleditswe le ho phahamiswa ha Lenanetsamaiso la Afrika, ntshetsopele e tswelang, ho tlišwa ha diphetoho ho tsa puso le tshebedisano ya lefatshe ka bophara.